



21966

III

Mag. St. Dr.

P

et Alexander

Capitaneus Secretariatus.

Chrysopolonia Ambrosii Gryphus Dormes Otus.
noviae—

PANEG. et VITAE

Polon. Fol.

N. 903.

C

O

PE

D.

O

C

F

GRYPHUS
DOMVS
OTWINOVIAE

HONORIFUNERALI

PERILLUSTRIS, MAGNIFICI, ac GENEROSI DOMINI

D. IOANNIS ALEXANDRI

DE OTWINOW

OTWINOWSKI

CAPITANEI SZERCZOWIENSIS.

Dum eius corporis exuviae

Solenni conductu Nobilissimorum Hospitum

In Sacello Mariano

BASILICAE CLARI MONTIS CZESTOCHOVIENSIS

Eratrum Ordinis Sancti PAULI Primi Eremita,

Supremo obsequio conderentur,

Inter mortuales illustres umbras

XII. SYMBOLIS

ADUMBRATUS, & ILLUSTRATUS.

Per

*Fr. AMBROSIUM NIESZPORKOWITZ Ordinis Sancti PAULI
Primi Eremita Profess.*

Anno Domini MDCXCIII. 23. Novembris.

Typis Clari Montis Czestochoviensis.

XIV. 2. 58

IN STEMMA DOMUS OTWINOVIAE

Facies Leonis - & facies Aquilæ desuper ipforum quatuor. *Ezech: 1. v. 01.*



21.966
III

GRYPHUS Ego de stirpe Aquilæ, do stirpe Leonum,
 Quod natura dedit, Regium utrinque Genus:
 Alis Pegaseos solitus superare volatus,
 Suctus & aucupij retia nulla pati,
 Terrea contemno, cœlorum summa petendo,
 Ignea quò Virtus promovet, atque Genus.
 Hic cognata Aquilæ fulgent, cognata Leonis
 Stemmata, præcipitem huc penna, pedesq; ferunt:
 Fulmina ferre Iovi doctus, mensæque Ministrum,
 Hac feror ad Superos, quâ via nota patet.
 Vester Ego sum, Vester ero; qui subjugus Ales,
 Scandite OTWINOVII, Vos super astra feram.

MAGNIFICIS ac GENEROSIS DOMINI

GASPARO

ET

GREGORIO

DE OTWINOW

OTWINOVIIS

PERILLUSTRIS ac MAGNIFICI DOMINI

IOANNIS ALEXANDRI

DE OTWINOW

OTWINOWSKI

CAPITANEI SZERCZOVIENSIS.

GERMANIS FRATRIBUS

Domini, Patroni, ac Benefactoribus Colendissimis

Fratrem Vobis, fero Magnifici, ac Generosi Domini, quem vivum diutissime exoptastis, etiam ita in pagina victurum, Vobisq; charissimum, non dubitate. Ex mortis quidem causa munus ingratum, ex argumento tamen gratissimum, quod Vobis Fratrem non totum obisse declarat, qui in amantissimis Filijs & prolibus, & in Vestris amoribus, vivus perennat. Optarat ille Vestrorum solationum incrementis ex seipso partem addere superstes, nisi ita decretis irrevocabilibus DEI parendum esset, in quorum causa, secunda tristibus, tristia secundis temperat, quae minus Vestros animos, & cor afficerent, si domi non nascerentur: magis enim afficiunt emergentia subito mala domestica, quam externa, quorum leniendis, medicandisq; vulneribus, nullum efficacius, aut opportunius adferri potest, & prodesse remedium, ex Christianae religionis dictamine, quam ad beneplacitum DEI affixa intentio, quae & meriti causam offert, & omnem cordis perturbati aestum ad tranquillitatem componit. Quod cavebat semper, ne Fratrum affectum lederet,

)(C

laderet, hoc unum praeavere non potuit, ne corda amantium vulneraret. Parcite amantes: mortis hic ictus est, non Fratris, quae cum in Fratrem exercet tyrannidem, Fratres quoque in doloris, mœrorisq; societatem cogit. Cor amantium laesit, non extinxit amorem, quem acrius desiderium absentis intendit; vehementiora enim sunt amantium desideria, cum quod amant, amiserint, nullo humane industria consilio, aut auxilio, modoq; revocandum. Exinde temperate dolorem, ne Vobis non bene ordinatum Fratrum amorem quis imputet, quod ei meliorem sortem invidentes immortalitatis beatæ, in hac ærumna temporalis vite, caducaque mortalitatis eum superstitem diutius desiderastis. Consolatoriam Vobis Magnifici Domini scribo, non Panegyrim, ne ubi luctuosa sunt, aut verius videntur omnia, sordida notam assentationis incurram, quod non serviens rerum statui, temporique, ibi Vestrum plausum quæram, ubi hic actus cogit ad dolorem, & lenimen læsi cordis deponit. Per magnus Vobis apud DEUM erit proventus meritorum, & humane laudis accessio, & commendatio amoris, si memores Vestri sanguinis, charitatis non denegabitis officium, nunc Fratris Vestri Benefactores, Fautores, & Patroni futuri, qui amantissimi Fratres extitistis. Ità res humane volvuntur, & revolvuntur: in occasum tendunt omnia, & intereunt, deferuntque hominem, cum ea deferere cogitur; sola committantur merita, utpote bonæ vite testimonium, quibus Magnifico Fratri Vestro, si deesse adhuc quidquam potest, sicut liberales in affectu, ità ad suffragia non parciores in censu, extra merendi statum posito, sublevabitis necessitatem. Pro affectu meo, quem Magnifico Fratri Vestro illibatum & post fata servo, id insinuo; pro ampliori Vestro merito, quod exopto. Quanquam & ego, magnam doloris Vobiscum acerbitatem sentiam, æquius tamen tantam jacturam solatij perfero, quod in Vobis imaginem eius habeam, cui quidquid gratitudinis, obsequij, & officij pro meritis debueram, Vobis, Vestraq; perinclita Familia, dum vivo, impendere libens contendam.

Magnificarum ac Generosarum
Dominationum Vestrarum.



Exorator & minimus Clientem,

Fr: AMBROSIIUS NIE-
SZPORKOWITZ.

Quæ in
Ad



SYMBOLVM I.

INCLYTISSIMÆ OTWINOWIÆ DOMUS

GLORIÆ

G RYPHUS dextro pede tenet vexillum, in quo sui formam, seu imaginem habet expressam; sinistro innititur basi Obelisci vertice nubibus imminenti, GRYPHORUM figuris undequaque compacti. &c. Hic Perillustris ac Magnificus Dominus IOANNES ALEXANDER de Otwinow OTWINOWSKI, Capitaneus Szczerczoviensis, GRYPHORUM Familia claritudinem, participiat, & complet. Lemma

Hæc nostræ gloria Gentis !

OBELISCVS.

M Oles quam cernis Viator,
Gloriæ monumentum est,
Quod architecta Virtus excidit,
Et cum in terris posuisset fundamina,
Apicem invexit cœlis,
A quo æternitatis corona
Consummata ornarentur merita.
Hic diadematis splendor, & pretium,
Quo
Virtutis est stipendium, & præmium,
Illustrissimæ GRYPHORUM Familiæ
Maestas, & perennitas
Inter coronas exorta, ad coronas assurgit.
Iam ergo,

Barbara Pyramidum sileat miracula Memphis,
Quæ in vetustatis ruderibus ubi collapsas pristinae gloriæ gemunt celsitudines;
Ad huius æmulationem gloriæ pertingere non præsumant.
Quot GRYPHORUM sculpuntur imagines,
Tot immotalis gloriæ notantur successores,
Quam ab Ægyptijs inchoatam, & hucusque continuatam
Non degeneres Virtutum heredes conservant,
A Et Ve-

Et meritis coronant.
 Ex Ægypto per Serbiæ, vel Daciæ Superioris regiones
 inuenta Stemmata,
 Quæ Iaxa Popieli Germanus ex Principe Polonia Lescione III.
 Ducali dignitate ornavit,
 Illustravit Virtus Successorum,
 Ne quid minus Tharso Ciliciæ in Asia minori
 Et Tyrane Tyri & Thraciæ, Principibus, haberent,
 Qui suæ gloriæ, & principatus tesseram,
 G R Y P H U M assumpserunt.
Non postrema censentur laudis Maiorum gloriam illibatam conservasse
At suprema commendationis est acceptam proprijs Virtutibus exornasse.
 Minor est illa, quæ mensuratur tempore,
 Et vel mendacis famæ præconio, blanditur auribus,
 Vel speciosa ostentatione oculis obijcitur
 Illa vera censetur Gloria
 Quæ cum è recte factorum conscientia suam ducit originem,
 Mundi oculum ferre contemnens,
 Laudem suam ad æternitatem exonerat,
Vera Gloriæ Christianæ semina Virtutes,
Quem reddiderint illustrem,
Vera gloria probant possessorem.
 Hæc DEO salutis, æternitati,
 Cetera vanitati famæ

Perillustis ac Magnus Dominus:
 D. IOANNES ALEXANDER de Otwinow
 O T W I N O W S K I,
 C A P I T A N E U S S C Z E R C Z O V I E N S I S

Ad Illustrem natalium splendorem, & Sangvinem,
 Quem à Magnificis, ac Generosis Progenitoribus,
 G R E G O R I O de Otwinow O T W I N O W S K I,
 Et C A T H A R I N A S K O R U S Z E W S K A,
 M A R T I N I S K O R U S Z E W S K I Iudicis Castri Cracoviensis
 Filia accepit,
 Ut illustriorem nexu cognationum, in posteritatem transmitteret,
 Illustrissima & amplissima decora,
 Quæ in Gentili Acervo Dignitatum infulis refertissimo continentur,
 Ad Domus suæ ornamenta traxit,
 Dum

Illustri ac Magnifici Domini,
 D. S T E P H A N I S I E M I E N S K I
 (Cuius prudentiæ, & Sapientiæ, vix par dignitas, si æstimantur in
 Sago & Toga merita, invenitur)

I U D I.

IUDICIS SIRADIENSIS FILIAM,
ELISABETHAM SIEMIENSKA.
E. M. D. SOPHIA MACZYNSKA.

Muliere Prudentissima, æquè ac Sanctissima,
Magnifici Domini

IOANNIS in Maczniki MACZENSKI,

Succamerarij Velunensis Filia,
Genitam,

*Omnium mulierum prudentia ectypon,
& probitatis exemplar,*

*In fœdera Matrimonialia assumpsit,
Quæ una gloriæ temporalis Maiestatem,
Sanctitatis exemplis exornavit,*

Utpote

UXOR BONA VIRI CORONA,

E in prolium educatione

Felicioꝝ Matrum Niobe,

Ad Ecclesiæ Patriæque honorem, & decorem,

Florere fecit.

SYMBOLVM II.

RELIGIONI.

IN Ara super lignorum pretiosorum struem GRYPHUS, Phœ-
nicis instar, in holocaustoma consecratus; Magnifici Domini
IOANNIS ALEXANDRI de Otwinow OTWINO-
WSKI, Capitanei Szerczowiensis, erga DEUM, & Cœlites Reli-
gionem adumbrat.

Lemma:

Cœlo devotus ad Aram.

A R A.

A Deste novi Flamines,
Sacrorum Administri;

*Non taurorum, aut arietum hecatombes daturi flammis lustralibus,
Sed pietatis in DEUM, & Cœlites oblaturi holocaustoma.*

Prævenit officium Sacerdotum, & Ministrorum obsequium,

Illustrissimæ Otwinoviæ Domus

Præses, & Alumna,

Virtutum omnium Antistita

RELIGIO.

Gentilitium suæ Familiæ Decus GRYPHUM,
Veluti omnium altitium, & animantium compendium
Millenas excedens Hecatombes,

*DEO, Superis, Ecclesie, Patria, Familia,
In devotam Aris superimponit hostiam,
In Perillustri ac Magnifico Domino,*

D. IOANNE ALEXANDRO de Otwinow OTWINO-
WSKI Szczerczoviensi Capitaneo,

In quo

Avitæ Maiorum pietatis insignia non possunt non patere
Ubi Religiosorum linguis prædicantur.
In tantum illorum sinceram, devotamq; DEO conversationem adamans
Ut sæpius propalam testari solitus fuerit,
Malle se plurimorum secularum vitare, & deflectere contubernia,
Unius Religiosi, & Spiritualis colloquio,
Scilicet, ut sacræ eruditionis avidus,
Cum profanam, quâ cultissimus erat, lectione frequentiori com-
paratam, non damnaret,
Ornaret genium, & ingenium perpoliret
Hinc Religiosos & Spirituales personas, non tam hospites, quàm
domesticos habere voluit.
Sacræ Theologicæ ac Philosophicæ scientiæ avidus, & capax,
Etiam inter dapes sanctioris disciplinæ se
Discipulum & Magistrum ostendit,
Soltus ea in publicum proferre, quæ & limatiora Theolo-
gorum, & Philosophorum exercerent & fatigarent
ingenia, & Religiosæ conversationis
exemplum, præberent.
Vitio nonnunquam dabant aliqui,
Quòd non ad mundi genium modesta conversatio,
mundanæ crisis merererur censuram,
Quam posthabens maluit humanæ æstimationis dispendia.
Et non spiritualia pati detrimenta.
Hæc pertinebant ad animæ culturam,
Quam DEO Divisque semper devotam ut probaret.
Frequentiores peregrinationes
Ad Divæ Matris Arenensis, in suburbanis Cracoviæ Studzianensis,
(Ut pedestres visitationes ad Claromontanam nostrum Virginem præteream)
testantur
In sinum tantæ Matris vota sua deponens
Amores eius, & patrocinia demereri studuit,
Dum in Parochiali Czeszochoviensi Ecclesia
Pro quovis die Sabbathi eidem Virgini sacro,
Missæ Sacrificium, & Lauretanæ Litanias
Liberali censu in perpetuum fundavit,
Quem etiam austeribus jeunijs honorare solitus,
Exemplo familiam ad imitationem, & cultum MARIE
Suavi violentia cœgit.
Innutritæ à tenero devotioni,
Addidit incitamenta ad virtutem omnem,
Inclytissima Coniux, & Religiosissima,

M. D.

M. D. ELIZABETHA SIEMIENSKA
Grande, & rarum admodum Christianæ Religionis exemplar
Quæ in Magnifici Capitanei Domum inuenta,
Amplissimum Virtutum omnium Gynecæum secum induxit.
Facta Marito, Liberis, Familiæ, Subditis,

RELIGIONIS MAGISTRA.

Itaque,
Ubi pulchra, sanctaque contentione utrinque
ad æmulationem provocantur,
Facta est Aula OTWINOWIA Sanctitatis Domicilium,
Et erga DEUM, & Cœlites Religionis Templum;
In quo
Prostant & Vestra Religionis ad ornamentum insignia

MAGNIFICI DOMINI

GASPAR, & GREGORI

Quam domi privatam, cùm humanum oculum fugere voluistis,
Ad exemplum publicum emerfit,
Dum Vos ad visitanda frequentius loca miraculis illustria,
Tum Divinæ Matris, tum Divorum, cœgit veneratio;
Ubi vota nuncupata, appensa Anathemata,
Illum in vobis vivere cultum Religionis testantur,
Quem à Maioribus traducem transmittentes in posteros,
Iustum sanctumque est perennare.
Incidat iam statutæ Vestræ Religionis
ARÆ Religio:

EX HAC ARA, IN QUÀ OTWINOVIAE
DOMUS IUGIS DEVOTIONIS FLAMMA PERENNAT,
TOTI ILLUSTRIFAMILIÆ,
VITA, PAX, SALUS, FELICITAS.
FIAT!

SYMBOLVM III.

INCLYTISSIMÆ OTWINOVIAE DOMUS
FORTITUDINI.

GRYPHUS *subactum, ocbisumq; premens draco-*
nem: OTWINOVIAE Domûs & M. D. Capitanei
præfert Fortitudinem.

Lemma:

Forti de robore victor!

B

TRO-

T R O P H Æ U M,
In G R Y P H O

Et Aquilæ, & Leonis indoles,
Fortitudinem demonstrat.
Naturalis illi in draconem hostilitas,
Qui ne pestiferum virus diffundat,
Et lue venefica homines, feras, & terras attaminet,

Solers providet,
Dum draconibus insidiari solitus,
Eos usque ad victoriam persequitur.
Gennium hoc est Virtutis Christianæ schema,
Quæ monstra vitiorum edomans, & extirpans,
Pulchrum suæ gloriæ trophæum erigit.

Et G R Y P H O R U M Familiae

Bellicam fortitudinem adumbrat,
Quæ, contra hostes Fidei, Ecclesiæ, Patriæ, labores,
Aggrediuntur, & consummant,
Et fabula Hydræ interfectæ Herculeæ fortitudinis labore,
In Vobis Orbi exhibet veritatis historiam
In eundem quoque censum venit,

M. D. I O A N N E S A L E X A N D E R de Otwinow
OTWINOWSKI Capitaneus Szczerczoviensis

Qui

Sub illo magno Hectore Poloniæ

S T E P H A N O C Z A R N E C K I,

Cum M. D. G R E G O R I O de Otwinow OTWINOWSKI

Militiæ sacramentum dixit;
Et in rudimeritis, ac tyrocinio bellico,

Ad C Z U P N O V I E N S E S Cannas

Veteranorum imitationi exempla fortitudinis reliquit,

Anteit bellica Romanorum Signa

A Q U I L A S & L E O N E S,

Domus O T V I N O V I Æ

G R Y P H U S,

In Magnifico, ac Generoso

G A S P A R O de Otwinow OTWINOWSKI

Contra minacissima Ottomnicæ Lunæ cornua

In Chotimensibus Campis

Pugnator & Victor

Qui

Illu

Et quia

Qui
Sumptibus non parcens & laboribus,
Severus emptor Gloriæ,
Optime de Ecclesia meritus, & Patria
Heroâ fortitudine Domum suam,
Coronavît.
Ad hæc Decora,
Contulit & suæ Illustrissimæ Domûs
Fortitudinis insignia,
Per Matrimonialia fœdera,
Magnifica ELISABETHA SIEMIENSKA
In Avis suis,
Illustrissimo D. IOANNE SIEMIENSKI
Ensifero Siradiensi,
&
Illustrissimo IOANNE in Maczniki MACZYNSKI Succame-
rario Vielunensi,

Qui in Berestecensi prælio cadens,
Morte fortiter excepta, immortalem famam meruit;
Tum in Illustrissimo Genitore suo

STEPHANO SIEMIENSKI

Iudice Sieradiensi
Qui pro Religione, & Patria fortia agens,
Emeritam gloriam in seram posteritatem
transfudit:

Eo maximè tempore,
Quo assurgens Kosakorum rebellio
Negotium Reipublicæ acriter armis
decernendi faceffivit.

Testantur Warecenses campi
Qua fortitudine pro Ecclesia &
Patria, pro Libertatibus & Iustitia
Vsq̃ue ad laudis invidiam decertavit
Stipant Trophæa Patrum

Et Magnifici, ac Generosi Avunculi
MARTINUS MACZYNSKI
Vexillifer Warszaviensis.

Et
STANISLAUS MACZYNSKI

Capitaneus Klonoviensis
In quorum Nepotibus vivet maiorum gloria,
Et sumet cum ætate, incrementa Virtutum.
Et quia non tantum in militiæ sæcularis cingulo bella geruntur, &
victoriæ Viris parantur,
In Virtutis arenâ & generosâ exercent
Fortitudinem suam mulieres,

Quas inter
Magnifica Domina
ELISABETH OTWINOWSKA
Sczerczoviensis Capitanea
Illa

FORTIS MULIER,
Quam aliquando Solymæus quæsiuit Sapiens,
Recensetur,

Quæ
Palæstram Virtutis omnis in Aula aperiens,
Se Fortem ostendit,
Magnificam Coniugem, Liberos, familiam, subditos
Ad Virtutis imitationem provocando.
Una, si quæ alia, digna
In qua confidere potuit cor Viri sui,
Et cum qua potuit stipendia
Sanctitatis mereri.

SYMBOLVM IV.

INCLYTISSIMÆ DOMUS OTWINOVIÆ

IUSTITIÆ

GRYPHUS *dextro pede libram cum æquali lance, sinistro gladium tenens &c.* OTWINOVIÆ Domûs reddendis cuique quod suum est, Virtutē ostēdit. Hic Magnifici Domini IO ANNIS ALEXANDRI de Otwinow OTWINOWSKI demonstrat Iustitiam, quā, quæ sunt DEI DEO; quæ proximi, proximo impendit.

Lemma:

Sic iusta rependo!

ELOGIVM.

Non tota terras Astræa reliquit:
Libram in Gentilitio OTWINOVIÆ Domûs appendit stemmate,
Ut videas,

Nullam iniuriæ subesse posse censuram,
Ubi totum in æquo, subsistit
Ad Legis divinæ, humanæque amussim.
Sic nec alienorum avida, nec suorum prodiga,
Ex iusto tamen liberalis,

Quæ
DEO Religioni, Patriæ, Familiæ, Amicis Subditis
Debentur, tribuit.

Ita

Ita semper

DEO cultum, Superis honorem, amorem Patriæ,
Familiæ observantiâ, Amicis obsequium,
Subditis gratiam testatur,
Quibus cœli, terræque favores mereatur.

Magnificus ac Generosus Dominus

D. IOANNES ALEXANDER de Otwinow

O T W I N O W S K I.

Capitaneus Sczerczovienfis.

Rei exhibet Imaginem,

Qui

Libens reddidit, quod debuit,
DEO debitum cultum in Templis
A teneris annis innutritum affectum & devotionem
Tutelari suæ Patronæ

M A T R I D E I, & V I R G I N I M A R I Æ:

Divis iustum honorem,
Ecclesiæ illibatam Fidem, & obedientiam,
Sacerdotibus, & Religiosis Ordinum, venerationem,
Cognatis affectum,
Charissimæ Coniugi amorem,
Educationem dilectissimis pignoribus
& benedictionem:
Humanitatem Hospitibus,
Debilibus auxilium,
Subsidium egestate pressis,
Afflictis commiserationem,
Amicis observantiam
Dilectionem subditis
Omnibus reverentiam,
Et ne in seipsum videretur iniurius,
Sibi bonæ vitæ conscientiam servavit.
Quæ Fortunæ fuerunt, tanquam aliena reputans, successoribus reliquit;
Animam cœlo, corpus sacrophago.
Quæ in Charissima Consorte

M. D. E L I S A B E T H A O T W I N O W S K A

Muliere Pientissima

ad venerationem accepit Virtutum exempla,
Imitari non abnuens,
Quantum in ætate, tantum in Virtute pto fecit
Nactus ex Illustrissima Domo illius Exemplar
Quod illustrissimi Parentis,

STEPHANI SIEMIENSKI

INDICIS SIRADENSIS,
refert imaginem

In hoc uno omnis Iustitia tenet apicem.

Quæ

Tum in Generalibus Regni, tum particularibus

Terrarum, ac Palatinatum Comitibus,

Tum in Tribunalibus, ad quæ Deputatus

Iudex liberis, & communibus votis

exposcebatur, enituit.

Dignus quem uti Iustitiæ Exemplar, & Speculum

sibi proponant universi,

Ne exprobrator debitorum, & rigidus exactor

conscientia repetat

REDDE QUOD DEBES:

DEO, ECCLESIAE, PATRIAE, FAMILIAE,

Tibi, Proximo.

Huius Exemplo, ceu Norma usus,

M. D. IOANNE ALEXANDER OTWI-

NOWSKI didicit Iustus esse:

Et simul docet,

Neminem iustiores esse, quam qui seipsum

totum, quod est, quod potest,

Deo à quo est,

integrum restituit.

SYMBOLVM V.

INCLYTISSIMAE OTWINOVIAE DOMUS

LIBERTATI.

GRYPHUS aurea corona caput redimitus, in collo appensum
aureum monile seu torquem gerens cum aureo numismate, in
quo hæc exarata leguntur: INSIGNE LIBERTATIS. &c.
Magnifici Domini IOANNIS ALEXANDRI de Otwinow OTWI-
NOWSKI Libertatem notat &c.

Lemna:

Pati retinacula nescit.

VINCULUM.

Non refuge GRYPHE nobilissime vincula:
Libertatis Tux sunt insignia,
Non captivitatis instrumenta,

Quam

Quam tibi Aquilina, & Leonina indoles principatûs & Libertatis
prærogativam concessit,

Nec ars, nec Mars, nec mors adimet.

Patere injici collo torquem nobilitatis insigne,
Torquatus Libertatis.

Nec sub cœlo, nec in terra, Venator tibi nectit pedicas,
Quem propriæ naturæ conditio, ab opprobrio servitutis absolvit,
Sola te recti honestique lex vinculis adstringit,
Quæ auream tuam non arctant, Libertatem,
Sed exornant.

Hæc est Vestræ Gloriæ tessera

Illustrissimi GRYPHORUM Familiæ Successores,

Qui, utpote Gentis Liberæ Filij,
Libertates Ecclesiæ, Patriæ, Vestraque
Fortunis, Vitæ, & sanguine pretiosiores,
Defenditis; promovetis, propugnatis.
Hic Honoris tanti partem sortiuntur

O T W I N O V I I;

Patriam Libertatem sicut tueri semper soliti,
Ita conservare soliti,
Cuius exemplum est,

Magnificus ac Generosus Dominus

IOANNES ALEXANDER de Otwinow OTWINOWSKI.

Innatus illi, & pertinax amor Libertatis & studium,
Quem extra æquitatis orbitam nec respectus humanus deflexit,
Nec fauor popularis infirmavit.

Potiorum animi quam corporis, æstimans libertatem

Blandis vanitatis renuit captivari vinculis,

Quibus plerumque & Heroum implicantur mentes:

Doctus in amore veritatis & Virtutis,

Animi libertatem constare,

Nam

Qui ab alienis dependet favoribus: & respectibus,

Nunquam suus, alteri mancipatum profitetur,

atque ex nexibus delicatioribus,

Ad turpiora quætuosa servitutis se transfert vincula.

Hinc innata didicit ingenuitas

Expediri vitiorum vinculis,

Et intra leges recti honestique subsistens.

Respectibus, moribus, & amoribus captivantium non obsequi,

Cum illa vera ingenuaque,

Laudanda, non pudenda sit servitutis professio,

DEO, Iustitiæ, Patriæ,

Liberum servire.

SYMBOLVM VI.

INCLYTISSIMÆ DOMUS OTWINOVIÆ
LIBERALITATI,

G RYPHUS *in vertice montis aurei positus, ramenta auri, balucasque ad montis clivum subsistentibus, avidisque prædæ pretiosis, pedibus dispergit &c. Magnifici Domini IOANNIS de Otwinow OTWINOWSKI Liberalitatem insinuat.*

Lemma:

Non minuit, cum dissipat aurum!

MONUMENTUM.

G RYPHE Illustrissime,
Quomodo genium, & ingenium mutasti,
Cum Illustrissimarum Familiarum
Domesticus esse cœpisti.
Antehac sterilis auri possessor,
Nunc Liberalis largitor;
Didicisti hanc Virtutem ab illustrissimarum
Familiarum Successoribus,
Ubi illorum honorem, & gloriam & Arma Gentilitia occupasti.
Maeste Decus perinclytum Heroum;
Fertilior est quibuscunque novalibus manus egenorum;
In quibus dum seminantur divitiarum pretia,
In æternam laudis, honoris, gloriæ, & meritorum plus centuplo
surgunt adorem.
Ex Tua GRYPHORUM Illustrissima Familia,
Tot prostant, & perennant Liberalitatis Monumenta.
In Foundationibus dotationibus reparationibus
Ecclesiarum, Altarium, Orphanotrophiorum,
Monasteriorum
Miechoviensis, Andreoviensis, Staniatecensis:
In quibus
Vivit cum quotidianis Honoris, & gloriæ DEI incrementis
Perenne Liberalitatis Monumentum.
Hic partem habet gloriæ & Liberalitas OTWINOVIA
In Magnifico ac Generoso Domino
IOANNE ALEXANDRO OTWINOWSKI.
Magna illa, quæ ad humanitatis, & hospitatis debitum,
Maxima quæ ad cultus & honoris DEI cessit obsequium.
In paupere Christum pauperem sibi repræsentans,
Apud tenaces sterilem mammonam,
Ut faceret sibi fructuariam,
In manibus reposuit egenorum;

Hoc to-

VI.
 Hoc totum sibi profuturum arbitratus,
 Quidquid in pauperem impendisset,
 Per leviora detrimenta fortunæ,
 Grandia salutis adiumenta, & emolumenta sibi confidens provenire:
 Tantò meritis ditior, & Virtutibus,
 Quantò in pauperes liberalior.
 Senserunt eam in flammis purgantibus suffragiorum exortes animæ,
 Pro quarum lustratione numeravit stipendia,
 Quæ licet extra merendi statum positæ,
 Meritis tamen ditiozem fecerunt,
 Liberalem ad redemptionem sui largitorem.
 Quam vivis, amicis, & familiaribus testabatur gratiam,
 Servavit & mortuis,
 Dum pro animabus illorum per varias Ecclesias, &
 Ordines suffragia daturus, frequentiores
 Eleemosynas erogabat.
 Fidelis certe amicus, qui æternitatis viam ingressos,
 Non deseruit, & comitari usque ad cœlestem patriam, cum suffragi-
 orum proventu, non negavit.
 Innatum hunc benefaciendi affectum,
 A Magnificis accepit progenitoribus,
 Quam testati sunt, dum præter alia Ecclesijs præstita Liberali-
 tatis monumenta,
 Tempia, & Aras ornarunt muneribus,
 Quorum liberalitati suam debet Maiestatem,
 Fundatum in Parochiali Czeſtochoviensi Ecclesia
 sub titulo S. GREGORIJ Sacellum;
 Sicut Templis, & Aris, ita Altarium Ministris
 devotissimus,
 Quos si aliquando tecta eius subire contigisset,
 Veluti Patriarcha Abraham, Angelos ad se venisse dicens,
 Humanitatis obsequijs, & officijs dignabatur
 Æternæ benedictionis sortem promeritus;
 Sicut in imagine Patris, expressistis in Vobis
 Paternæ Liberalitatis exemplum, Filij,
 Oblatis gratuito sumptibus non parcentes,
 Quibus Templorum, & Ministrorum Altaris necessitatibus providetis.
 Testantur hoc, nunc ad pristinam maiestatem ex favilla resur-
 gentia post incendium Ecclesiæ Claromontanæ tecta,
 Ad quorum reparationem concurrentes, & liberalitate certantes,
 Non ut Hiram Salomoni ex pretio,
 Ad resurrectionem ex favilla gratuito
 subsidium impendistis.
 Ampliare voluit in OTWINOVIA Domo Liberalitatis meritum
 Magnifica Domina ELISABETH OTWINOWSKA,
 Dum exemplo misericordiæ in pauperes,
 Ad æmulationem Liberalitatis, Magnificum
 Coniungem provocavit.

D

Solita

Solita dicere:
 Illos malè suis rebus, & fortunis consulere,
 Qui quod erogandum esset in pauperes, & templa,
 In otiosa canilia impendunt,
 Quo docuit
 Eum qui vel semel in DEUM, Ecclesias, pauperes liberalis fuerit,
 semper habere DEUM debitorem.

S Y M B O L V M VII.

INCLYTISSIMÆ DOMUS OTWINOVIAE

P R V D E N T I Æ.

GRYPHUS uno pede tubum Opticum oculo admotum tenens, &
Qua à longinquo imminet, prœvidens; altero peltam, seu Clypeum,
ferens &c. M. D. Capitanei providentiam docet &c.

Lemma:

Regit Prudentiâ casus!

S P E C U L A.

AUreorum Habitatior Montium
G R Y P H U S,
 Aquilina sagacitate, generositate leonina
 instructus à natura,
 Serpentina quoque donatus prudentia?
 Humilibus delitere in convalibus dedignatur
 Præruptorum summa tenet montium,
 E quibus veluti e specula circumspectans omnia
 Intentus ad eventus omnes,
 Imminentibus periculis propulsandis Clypeum,
 Prævidendis occasionibus tenet Prospectivam.
 Scilicet
 Nemo tam fortis, sibi que sufficiens est, qui alieno ad casus
 non egeat præsidio,
 Tam sagax nemo, ut futuros omnes eventus cognoscendos
 & gubernandos attingat.
 Utroque felix
 Qui ad casus propulsandos munimem tenet,
 Et e longinquo prævidendos intentionem exporrigit,
 Ne ex inopinato irruentes perturbent,
 Vel non prævisi damnosa præsumptione decipiant.
 Felicior es Illustrissime **G R Y P H E**
 Qui naturalis perspicacitatis dote non contentus,
 Illa ad speculationem admoves adiumenta,
 Quæ ad æternitatis contemplationem serviunt.
 Hic est oculus Prudentiæ.

Qui

Qui omnia temporalia prætervolans,
Sempiterna docet irretorta mentis acie contemplari.
Non cœcutiebat in Magnifico ac Generoso Domino

D, IOANNE ALEXANDRO OTWINOWSKI.

Qui adhuc Viator

Rerum temporalium declinans periodos,
Et lubrica prætervolans retinacula,
Ad Terminum, ultimumque Finem DEUM,
Actiones, & cogitationes dirigebat,
E sanctionis Prudentiæ dictamine.

Hic in ænigmate speculator factus cœlestis gloriæ,
Terrena minùs æstimare didicit.

Mentis oculo frequentius DEUM contemplari solitus,

Quæ DEI non sunt incipiens fastidire,

Compendiosam ad DEUM viam quæsiuit per MARIAM,
Prudens Stadiodromus;

Quam vel e longinquo ut sæpius liceret intueri, viciniorem
Aulæ suæ collem

Mane quandoque, & vespere.

Aut matutinum, aut vespertinum Christianæ devotionis pensum
redditurus, ascendebat,

Ut ex adverso eminentia Virginis Claromontanæ tecta spectaret,

Untum præ cæteris in suis necessitatibus Asylum,

Quod ex voto pedestri itinere suscepto

Solebat frequenter visitare.

Quàm profunde in corde, quàm suaviter menti habuit impressam

Qui neque inter venationes, dum mentem distrahit,

M A R I Æ memoriam exuens,

Ad altiores colles deflectebat,

Unde Montis Clari eminentior Basilica dabatur aspectabilis;

Quo vota, preces, & suspiria præmittebat.

Speculator Marianus, & Amator

Ut M A R I A M, quam in corde, & ore præferebat,

circumferet sæpius & oculis,

Tabulata in horti medio summitatibus arborum eminentia crexit,

Hoc potissimum fine, ut eò negotiorum expediendorum,

Aut devotionis causâ secedens,

Veluti e quadam specula,

Hospitem in Montis Clari Sacello M A R I A M

Spectaret, & salutaret,

Quam sibi semper esse concupivit proximam,

Expertus & propitiam.

Hic illius erat CLYPEUS in Imagine hac M A R I A,

Ad omnem fortunæ ictum retundendum opportunus,

Quocirca eius ectypon collo appensum ferens in pectore,

Tam potens, & validum in ea invenit

Munimentum, & Ornamentum,

In quo & Mariani amoris ferebat monumentum.

Hoc est Christianæ Prudentiæ shema,
 Cuius
 Sicut Magnifico Capiteo Coniugi charissimo,
 Ita omnibus alijs
 Dat specimen, exhibet & Exemplar
 Mulier Prudentissima,
 Magnifica Domina ELISABETHA OTWINOWSKA
 Ad præceptum Apostoli domesticos docens Pruden-
 tiam, ex illius dictamine
 Domum gubernans
 Et in Timore, & Amore DEI filiorum, ac filiarum
 Iuventutem instituens.
 Tum suis, tum Magnifici Capitanei exemplis docens,
 Eam tantum apud DEUM Prudentiam valere
 Quæ viam Sanctitatis demonstrat.

SYMBOLVM VIII.

INCLYTISSIMÆ DOMUS OTWINOVIÆ

HUMANITATI.

GRYPHUS uno pede præfert buccellam panis, altero lancem
 cum sale offert. &c. Magnifici Domini IOANNIS ALEXANDRI de Otwinow OTWINOWSKI testatur Humanitatem.

Lemma:

Sincerus aperte!

S Y M B O L A.

GENEROSISSIME GRYPHE,
 Nemo te iam credet andropophagum,
 Qui ad humanitatis testimonium,
 Tuam quoque confers Symbolam.
 Et in hac forma te exhibes humanissimum,
 Regij Alitis, & Animalis naturam servans,
 Quorum uterque, hic animalibus, ille volucris debilioribus &
 inermibus, quidquid de necessitate superat,
 Regia humanitate partitur.
 Panem, & Sal, humanitatis, & affectus tesseram præfers,
 Ne in te rapacium animalium, aut velucrum cadat probrum,
 Quod unguis non tam ad defensionem, quam ad rapinam exacuant,
 Tuis nihil adhæserit, nisi quod alienis commodis
 impendendum.
 Antehac his pedibus, & unguibus balucas, & ramenta auri, quod
 avarorum est, versare solitus,

Nunc

Nunc Horrorem solitudinis inhospitæ exuisti,
Hospitalitatis honorem in Aulis Illustrissimarum Familiarum habiturus,
Quarum exempla te docuerunt mansuescere,

Et ad officium humanitatis componi,
Quâ cicurari Leones, & Aquilas tam notum, quam certum est.
Aquilam læsam, & implumem educat Virgo,
Quæ sanitatem, & volandi facultatem adepta,
Memor gratitudinis Nutrici prædâ, educationis beneficium oblata,
compensabat;

Leonem alia Virgo regia convictorem nacta,
Iubas, ejus & villos pectine componens,
Ornamenta è gemmis, & monilibus ferre docuit;
Gratiam, quam accepit à Nutrice,
Capitis, vultus, & manuum linctu compensans.
De Leonis & Aquilæ naturâ participans

G R Y P H E,

Exuis feritatem feras deferens,
Humanitatem induis, humanam societatem affecutus
In Magnifico ac Generoso Domino

IO ANNE ALEXANDRO OTWINOWSKI.

Familiaribus, & Amicis; Suditis, & egenis
Ad eam Humanitatis commendationem pertigit,
Quam communem habet,

Cum Magnifico, ac Generoso Fratре ex Patruo
D. ADAMO de Otwinow OTWINOWSKI
PINCERNA WISCENSIS;

Cuius loquuntur humanitatem, & benevolentiam,
Virtutibus Heroicis,
Magnanimitatis, & Religionis, Generositatis, & Liberalitatis,
Non supparem,
Templa, & Aræ, Monasteria, & Orphanotrophia,
Quibus Christianam charitatem semper testatus
Ostendit se Humanissimi OTWINOVIORUM GRYPHI
Naturæ imitatoreм,
& Honoris consortem.

Æquo Vobiscum passu ad tantæ Virtutis meritum contendunt,
Magnificus, ac Generosus Dominus

GASPAR, & GREGORIUS, OTWINOWII,
GERMANI FRATRES,

Qui ad Aquilinæ, & Leoninæ humanitatis exemplum,
Fortunæ prædam partientes,

Et tenuiorum necessitati, & egestati providentes,
Se exhibent Humanissimos.

In affabilitate, & moribus comptissimis;
In verborum gratia, in officiorum promptitudine,

E

In bene-

In benefaciendi facilitate & hospitalitatis liberalitate,
 Elucet innata Generositas
 In vultus hilaritate, in suavitate conversationis,
 In fronte ad serenitatem explicata
 Veluti in mentis proditoribus,
 Benevolentia enitet, & Humanitas;
 Quæ non minus dulci quam forti violentia
 Ad Vestri observantiam cogit, & amorem.
 Accessit per fœdera Matrimonialia
 Ad Domus OTWINOVIAE GRYPHUM,
 M. D. ELISABETHA OTWINOWSKA
 Quæ,

Ut Ecclesiasticus ait,
*Sicut Sol oriens mundo in altissimis DEI, sic mulieris
 bone species, in ornamentum Domus eius,*
 Cum Magnifico Coniuge Humanitatis certans officijs,
 Per æmulationem præstitit humanissimum.
 Gentilitium illa GRYPHUM, Lucis, & Ardoris amatorem
 splendore suæ Virtutis, & ornatissimorum morum amore,
 In sui desiderium provocavit,
 Ut illa esset Aulæ OTWINOVIAE Sol,
 in ornamentum Familiæ;
 Ut luceret exemplis, ad imitationem provocans,
 Arderet amoribus, ad DEI proximique dilectionem inflammans,
 Postquam hæc Gentilitij Leonis & Aquilæ Domum subiit
 Ardentiores radios virtutum caput spargere,
 Et vetustatem plumarum excutens,
 Ad Aquilinam iuventutem renovari.
 Vivis, deponens, si quid vel minimum feritatis fuit,
 Humanissime GRYPHE!
 Qui Aulam OTWINOVIAM Solis huius splendoribus fecisti lucefcere,
 Quos nec atra mortis nox,
 Dum in seris nepotibus Familiæ perennebit successio,
 Ne Virtutum incrementis augefcatur,
 Extinguet,

SYMBOLVM IX.

INCLYTISSIMÆ DOMUS OTWINOVIAE

FIDELITATI.

GRYPHUS *ad intima cordis scrutanda, diaphanam in pectore
 fenestram, per quam intrò latens splendor evibrat radios,
 dextro pede annulum, sinistro speculum praferens. &c. M. D.
 Capitanei Sczereczoviensis IOANNIS ALEXANDRI OTWINOWSKI Fidelitatem notam facit.*

Lemma:

Fidem intima produnt!

MOMUS

M O M U S

Tua hic res agitur nequam fili Noctis,
Deorum, & hominum, Cenfor, & Ofor,

M O M E.

Quis hominum tua immunis erit à censura,
Quando & in Dijs quæris, & mentiris, quod impingas,
In architectura hominis requiri fenestram culpas,
Per quam ad intima mentis, & cordis scrutanda pervadas,
Errorem DEO Architecto imponis.

Quid tibi cum fenestris tenebrio, ofor luminis,
In tenebris versari semper solitus, amator tenebrarum,
In die quæris noctem;

Et cæcus, solem cæcutire existimans,
Eius splendorem æquo oculo ferre cum nequeas,
In deliquia desinentem exoptas.

Hanc cæcitatæ plagam tua tibi, dedit indoles,
Quæ in sole maculas palpare nata, & quærere,
Omnem claritudinem abhorret,

Nec amat nisi extinctam,

In Illustrissima G R Y P H O R U M Domo,
Tenebras ne quære, vel maculas:

Ex qua in Ecclesiam, Patriam, Familiam, perpetuus splendor promicat
Virtutum radij, & claritas meritorum, &
Fidelitatis

Erga Deum, Ecclesiam, & Patriam sinceritas,
Te percellit, ne sana acie videas decora,
Quæ odisti.

Gentilitium tibi OTWINOVIA Domus obijcit

G R Y P H U M,

Fidelitatis servatæ DEO Ecclesiæ, Patriæ,
Coniugi, Amicis, Subditis servatæ,

In Magnifico ac Generoso Domino

I O A N N E A L E X A N D R O O T W I N O W S K I

Tesseram:

Lux promicans e pectore illam notat conscientiæ,
ex intentionis sinceritatem,
Quæ in omnibus actionibus,
Clara semper, chara omnibus,
DEO, Superis, proximo,

Elucebat,

Fidem semel Baptismi Sacramento pactam retinens,
Hæreticorum semper conversationem refugiens,
Et eorum dogmata, dum ferret occasio,

Impugnans, & feliciter confutans,
Se Fidei, & Ecclesiæ Catholicæ Filium probavit.
Iudæorum maxime execratus, & abominatus versutiam,
Nec illos in ditione sua subsistere passus,
Fidelis Religionis Catholicæ Zelator,
Turpi tantæ facis commerceo,
Sinceritatem suæ religionis non corrumpit.

Exemplo docens,
Neminem posse ad amicitiam, & familiaritatem Dei sinceram aspirare,
Qui amicus, & familiaris Dei hostibus extiterit.

Quam Deo fidem servavit illibatam,
Eius quoque Matri probatam fecit,
Dum quam servandi, & propugnandi Mariani honoris
in Congregationibus eiusdem obligationem suscepit,
Zelosus eiusdem honoris propugnandi, ac promovendi Tyro servavit
Omnem vestium luxum, damnans, & splendorem,
Ad Arenensem, in suburbano Cracoviæ, Virginis Aram
Votum nunquam assumendi pretiosorem habitum
& splendorem, quod nuncupavit,
Pullo vsque ad mortem semper vsus,
Fideliter asservit,

Virgineam in hoc humilitatem imitatus,
Et omnem in sumptuosis ornamentis declinans jactantiam.

Intuere Mome Speculum,
Quod GRYPHUS OTWINOVIVS obijcit.
Fulget in illo claritas, quæ Virtutis amabilitate
alios ad imitationem provocat,
Te invidia, & livore cœcutientem retundit
Speculum ad latūs GRYPHI,
Omnium Mulierum Speculum

Et Fidelitatis
In DEUM, & Coniungem, Exemplar,
Magnifica Domina

ELISABETHA OTWINOWSKA,
Capitanea Sczerczovienfis,

Quæ collectos in se Illustrissimæ Domûs Virtutum splendores,
Ad magis illustrandam OTWINOVIAM
Domum intulit.

Hic Illustrissimi, ac Magnifici Domini
STEPHANIS IEMIENSKI Iudicis Siradiensis
Erga DEUM, Ecclesiam, Serenissimos Reges,
& Patriam Fidelitas illibata splendet,
In cuius fulgore Momus maculam non inuenit,
Quam imputet.

In annullo Fidelitatis tessera,
Invicem servata fides monstratur,
Quam cœlum solet coronare.

S Y M-

SYMBOLVM X.

INCLYTISSIMÆ DOMUS OTWINOVIAE

PROVIDENTIAE.

GRYPHUS circumquaque oculis plenus in monte aureo pradis
nocte illuni incubans: ad montis clivum draco rapiendis intentus
&c. Magnifici Domini Capitanei Providentia imago. &c.

Lemma:

Congerimus, & parta tuemur!

I N D U S T R I Æ.

SEcurus de bene partis,
Non time hydram infidiantem
G R Y P H E.

Lætatur illa, dum raptis distendi quem videt,
Non tam male partis intenta,
Lucrum suum putat perniciem possessoris.
Quàm apertam vides mali spiritus imaginem,
Avarus ille semper fame torquetur,
Quam proritaverit invidia,
Meritorum tuorum iacturâ satiari cupiens
pervigil ad rapinas,
Et teipsum, non tua quærens,
Prodit iurata hostilitatem, dum blanditur.
Magis oculatum te ad tui custodiam esse oportuit,
Quàm centoculum Argum ad unam juveneam.
Hinc bene habet,
Qui undique totus ad vigilandum oculatus,
Studet securitati congregatorum providere,
Cum & hæc sit magna felicitas, & Sapiencia,
Nosse parta tueri.

Solertissime G R Y P H E

Industriam adumbras

Magnifici ac Generosi Domini

IOANNIS ALEXANDRI de Otwinow OTWINOWSKI
Qua

Bonorum meritorum congregationi, & conservationi providit,
In fortunæ temporalibus bonis perituris se pauperem existimans,
Nisi mansura semper comparasset.

Doctus illa nec vera, nec propria bona esse, dicique posse,
Quæ tempus, & fortuna rapere potuisset.

Natum se æternitati, cœloque cum meminit,
Illudque aut pretio comparandum, aut precibus

Orationum suarum, quas frequentiores, & ardentiores
sibi præscripserat, non contentus;
Ut Religioforum, Sacerdotum, pauperumque gauderet suffragijs
Eleemosynas erogavit;
Ut fortunam suæ stipendiariam salutis faceret,
Non pateretur ut Dominam.
Noverat Superos auro posse corrumpi,
Et obsequijs in favorem inclinari:

Quocirca

Ut humanam exutos conditionem erga se faceret humanissimos,
Præter impensas fortunæ ad eorum cultum, & honorem,
Mortificationibus, Ieiunijs, Peregrinationibus,
Favores illorum promereri contendit,
Suæ salutis nunquam oblitus, semper providus futurorum,
Eiusdem adiumenta cumulavit,
Cum Sacrarum Confraternitatum

ROSARII, SCAPULARIS, ANGELI CUSTODIS,

Albo inscriptus, factus est particeps meritorum.

Religioforum sicut semper Amicus, & Patronus,

Ita fieri & Frater concupivit,

Dum Confraternitatum Seraphicæ, & Nostræ Eremiticæ

Privilegia cum proventu meritorum impetravit:

Dignus qui exinde haberet suffragia,

Qui sublevationi Religionum necessitatis stipendia numeravit,

Non defuit charissimo Magnifico Coniugio suo

Magnifica, ac Generosa Domina

ELISABETHA OTWINOWSKA

Quæ commodis eius semper prodesse satagebat.

Cum veluti maiorum virtutis incrementorum hortatricem habuisset,

Expertus est & suæ salutis Adiutricem sollicitam,

Quæ mox, viam æternitatis ingressum,

Missis per varia Monasteria, & Ecclesias liberalibus impensis,

Suffragijs comitata est;

Quo testaretur sibi non totum charissimum Coniugem abijisse,

Cuius fideliter servatus amor permanisset,

Et Germani Fratres

Magnifici ac Generosi Domini,

GASPAR, & GREGORIUS, OTWINOVII,

Quem sui amantissimum in vita experti sunt,

Et post mortem sibi charissimum ostendunt,

Christianæ Religionis adiumentis, & proventibus abeuntem prosequendo.

Optimè rebus Tuis providisti,

Qui tantum amorem apud Magnificam Coniugem,

Amantissimos Fratres, Amicos, & Subditos meruisti,

Amicitix comparandæ industrias edocens,

Qui & post fata non deferens,

Ad æternitatem comitatur.

S Y M-

SYMBOLVM XI.

INCLYTISSIMÆ DOMUS OTWINOVIÆ
REGENERATIONI.

GRYPHUS *ad crepidinem cisternæ anterioribus pedibus in-*
nixus; & aqua se totum perluens, alisq; concutiens, pennas ve-
teres, villosque deponit. &c. Magnifici Domini IOANNIS ALE-
XANDRI OTWINOWSKI renovationem exhibet. &c.

Lemma.

Lustramur in undis!

L U S T R A T I O.

Illabere Fonti

Vetustatem in venustatem renovaturus,

G R Y P H E.

Hic tibi virtutem & vigorem juventutis restituet,

Cum te ad decorem & pulchritudinem lustraverit.

Excute pulverem terra si quem adpersit;

Ne quid in te sibi debitum terra vendicet,

Cuius declinaturus commercia,

Exue veteres plumas, & villos depone

Ne ad liberiores conditionem eluctatus,

In obvia captivantium retinacula offendas.

Oblivionis hunc esse Fontem noveris;

Ex quo bibens pristinae conditionis oblitus,

In novam vitam renasceris,

Nemo tibi feritatem, vel inhumanitatem imputaverit,

Quem hæc unda abluet

Thermas invenisti;

Novam regenerant ad vitam,

Vitæ felicioris candidatum.

Perillustres ac Magnifici Domiui

IOANNIS ALEXANDRI OTWINOWSKI

Illustrem imaginem proponit

Gentilis G R Y P H U S.

Salutarem ille Fontem, qui & sitim extingueret,

& e pulvere terrenorum mundaret,

In meritis Salvatoris invenit,

Expertus juventutem spiritûs in illo renovari,

Et æternorum desiderium, oblivione mundanorum accendi:

Hinc frequentiori Sacramentorum usui addictum

Temporalium neglectus & fastidia,

Divina sapere docuerunt.

Quo factum

F 2

Ut ad

Ut ad Iubilæi magni solennitatem Cracoviam profectus,
Ad apertas illas gratiarum cataractas suam sanctam sitim deside-
riorum expleret, & spiritum renovaret,
Austerioribus pœnitentialibus instrumentis concuti,
ac diverberari, non abnuit,

Quando

Confraternitatis Angelicæ candidum sagum indutus,
Et acriori flagello manum armatus,
Stationum obibat Ecclesias,
In quibus cruentatus,

Salvatori suo sanguinem rependebat pro sanguine
Sic concuti fuit ad juventutem plumis, ac villis depositis, renovari

Nactus hic est fontem Regenerationis
Et quod de fonte LACUGA veterum produnt historiæ,
Ex quo bibentes senectutem exuere, & repuerascere feruntur,
Verum expertus est.

Et alias salutis suæ Thermas quæsit,
FONTEM GRATIARUM MARIAM,
Ad hauriendas illius plenitudinis undas frequentius accedens,
spiritus quæsit refrigeria, & solatia,
Atque ne ingratus suo Fonti videretur,
Secutus monitum illud veterum:

Quisquis hauris aquam, Fontem corona,
Quotidianæ devotionis penso Fontem gratiæ, & solatorum suorum

MARIAM coronavit.
Facta est ei MARIA dulcedinis Mare, placidum,
Quo amarorem vitæ præsentis temperaret.

Hac veluti Speculo censore usus,
Ad virtutum eius exemplum se componebat,
Cuius exoptabat fieri & particeps meritorum.
Tam salutaribus undis frequentius lustrari solitus
Ad æternam migraturus vitam, accuratius animum intendit,
Ut purgator suo sisteretur Creatori,
Quo addidit & suum maritale obsequium,

Magnifica Domina
ELIZABETHA OTWINOWSKA,

Quæ ad lustrationem eius, vel piacularibus flammis
consummandam facere crudebantur,
impedens liberaliter,

Et uberes lacrymas sinceri amoris testes non negavit,
Quibus purgantium flammarum sopiret incendia,
Et iustitiæ divinæ rigorem ad clementiam inclinaret.
Non conducens Pollinctores, & Præficas,
Quod abunde funus amantissimi Coniugis lacrymis abluisset.

Parce lacrymis, & doloribus Heroïna;
Hic, deliciæ Tuæ GRYPHUS,
Lacrymas minùs æstimat,

Qui fontem Vitæ æternæ Deum sitit,
Quem precare.

S Y M-

SYMBOLVM XII.

INCLTISSIMÆ OTWINOVIÆ DOMUS
IMMORTALITATI.

GRYPHUS, à montis clivo sursum festinans, ad cœli, sum-
mitati montis quasi incubantis, comprehensionem contendit &c.
Magnifici Domini IOANNIS ALEXANDRI OTWI-
NOWSKI, ad cœlum iter demonstrat, &c.

Lemma :

Et volat, & currit !

CORONA.

GRYPHE MAGNANIME
Dudum prævidisti cursus bravium
Ad quod & pedum, & alarum velocitas te promovent.
Non aliud est quàm Cœlum,
Quod sui comprehensores coronat.
Cognata cœlorum monstra
Aquilæ, & Leones,
Ipseque anni Signifer
Tuam ambit societatem,
Ex qua ornamentum habeat, & complementum
Tantum te diligit cœlum, quod Tui desiderio tenetur,
Tuaque nihili æstimans, te solum poscit inquilinum
Si Regibus, Principibus, Proceribus,
In Sole, Luna, Planetisque habitationum
Spatia metatur assentatio veterum,
Tibi super omnia, locum pollicetur Iustitia,
Quæ Te evocat ad Coronam.
Eò Te promovent amplissima **G R Y P H O R U M**
Familiarum merita, & humeris
succollatoribus subvehunt,
Quid Te moretur aut montium aureorum sterilis amor,
Nutrire affectum solitus, non explere,
Aliena custodiens, Tua non deferens
Quæ cœlum ostentat.
Deposita mortali corporis sarcina, immortalitatis dotem indue
Æterno felicitatis natus regno,
Quid temporalem adamas miseræ servitutem ?
Hic dies Te cœlo restituet, quo terram reliquisti.
Ne Tibi vilueris,
Quem tanti cœlum æstimat,
Et nexibus corporis expediens
Æternam evocat ad libertatem,

In Perillustri ac Magnifico Domino
IOANNE ALEXANDRO OTWINOWSKI
CAPITANEO SZERCZOWIENSI

Cui Mors quamvis lapidem sepulchralem,
Vitæ fecerit Terminalem,
Intermedium iecit, per quod expeditius
corporis vinculis solutus tenderit ad Coronam,
Quam illi Christianæ Religionis cultus, & observantia,
Intaminatæ Fidei zelus, & custodia,
Æquitatis, recti, honestique studium
Erga DEUM, Divosque Pietas, & Devotio,
Iustum meritorum præmium destinavit
Totis desiderijs immortalitatem beatam complexus dum viveret,
Et vivis excedens in sinum illius translatus,
Non æstimat temporalis vitæ gloriæ, fortunæque iacturam,
Quæ Corona æternæ vitæ, immortalis boni inæstimabili pretio,
& felicitatis consummatæ plenitudine compensatur.
Quia solos reges coronatos cælum suscipit,
Aut coronat æternum, regnatos,
Nominem nisi Coronas ambientem amat, & expetit
Ne in regno Libertatis æternæ,
Amor & conditio inveniatur servitutis:
Hæc Tua fuit ambitio laudata cælo,

Perillustri ac Magnifice Domine,
IOANNES ALEXANDER OTWINOWSKI
Quam testebantur cælum suspicientis affectus, lacrymæ, & suspiria,
Tuorum desideriorum prodromi ad Coronam;
Bonum certamen certasti, in huius vitæ militia super terram
Cursum consummasti in Virtutum, stadio;
Fidem servasti in Divinæ, humanæque Legis observantia
Ideo reposita est Tibi

CORONA IUSTITIÆ
Quam Tibi omnes imprecantur, exoptant, gratulantur;
Cum primis Magnifica ac Generosa Domina
ELISABETHA OTWINOWSKA
Lectissima Tua, Fidelissima, & amantissima Coniux

Cum charissimis Filijs Tuis relictis;
FRANCISCO, & STEPHANO,
Ceterisque, pignoribus;
Hanc Tibi desiderant,
Unice dilecto Fratri suo,

Tibi olim Dilectissimi Germani Fratres
Magnifici ac Generosi Domini
GASPAR & GREGORIUS OTWINOWII,
Tibi sicut in vita, affectu, amoreque coniunctissimi,
Ita & post mortem Tuis Manibus faventissimi,
Quos ut æternitas beata inter hospites & municipes cæli
suscipiat, votis prosequuntur.

Hanc

Hanc Tibi precantur omnes,
ILLUSTRISSIMI, & EXCELLENTISSIMI, REVEVENDISSIMI,
PERILLUSTRES, MAGNIFICI, GENEROSI, ADMO-
DUM REVERENDI, REVERENDI, DOMINI,

Cognati, Amici, Familiares, Subditi,
Quotquot parentalibus Tuis supremis assistunt honoribus
Qui Tibi, quem debebant vivo,
Impendunt & mortuo,

H O N O R E M, & A M O R E M,

Officium, & Obsequium;

Votum, & suffragium,

Honorem pro Reverentia, Amorem pro Amore, officium
pro beneficijs, obsequium pro gratia,

Votum pro merito, Suffragium pro

Iustitia Christiana,

Tibi in Regno Pacis æternæ,

R E Q U I E M Æ T E R N A M

apprecantes,

Te, quem præeuntem, ad funeralem urnam comitantur,

C R A S, vel H O D I E,

secuturi,

P A R E R G O N.

Hæc XII. Symbola, debito honori Magnifici Domini Capitanei, tum totius Domus OTWINOVIAE serviendo posui, in triangularibus Pyramidibus, quæ in angulis Cenotaphij eminebant, supra in vertice, seu summitate flammis ardentibus. Alia ad honorem funeralem pertinentia fuerunt apposita.

In quadrangularis Cenotaphij, quod ad duos tantum cubitos asurgabat, fronte, Mors incendiaria ponitur, dextræ manus face, posita à dextris Ecclesiasticarum dignitatum instrumenta, Pontificales mitras, & infulas, purpuras, & galeros Cardinalium, Cruces, & Peda &c. succendebat; sinistra pariter armata face manu secularis dignitatis insignia, Coronas, sceptræ, Ducales mitras, dignitatum insignia, & Familiarium Stemmata combutendo, quæ omnia grandi incendio in favillam ridigebantur &c. Inscriptio superior:

A B S U M I T O M N I A

Infra subscriptio:

T A N T O Q U I D D U R A T I N I G N E.

A dextro Cenotaphij latere, Mors flores, & herbas falce demotens &c. Inscriptio superior:

DEVASTAT OMNIA.

Inferior

TOTUM METIT INVIDA FLOREM

A sinistro later, Mors ligone versat capita mitris Pontificalibus, coronis Regum, mitris Ducum, galeis, variarumque nationum pileis ornata, versat, miscetque omnia, in unum cumulum coniecta. Inscriptio superior:

CONFUNDIT OMNIA!

Inferior:

MISCET QUADRATA ROTUNDIS!

In posteriori Cenotaphij parte, Mors regio diademate insignita, sceptro nuda mortuorum capita componit, & coæquat &c. Inscriptio superior:

COÆQUAT OMNIA!

Inferior:

MAIORA MINORIBUS ÆQUAT

In Primo angulo, Cenotaphij, & basi quæ subiacet pyramidi.

Una parte Mors in habitu peregrini iter prosequens. *Inscriptio:* PEREGRINAMUR! In theca qua literæ testimoniales recondi solent. TESTIMONIUM BONÆ CONSCIENTIÆ!

Altera parte, Mors ad grabatum se compones invadente serpentum, bufonumque multitudine &c. *Inscriptio:* DORMIEMUS! Proloquitur: STERNETUR TINEA, ET OPERIMENTUM ERUNT VERMES!

In secundo Angulo,

Una parte Mors sarcinam baiulans proficiscitur &c. *Inscriptio:* VENIEMUS! In sarcina superscriptio: PROVIDENTES BONA CORAM DEO ET HOMINIBUS! PROVISIO BONORUM OPERUM.

Altera parte Mors cataphracta galeam caput induta, sinistra Clypeum, dextra gladium tenens &c. *Inscriptio:* MILITAMUS! Subscriptio. ARMA IUSTITIÆ A DEXTRIS ET A SINISTRIS! à longe draco imminet &c.

In tertio Angulo,

Una parte Mors e grabato surgens e vermium medio. *Inscriptio:* SUSCITABIMUR! Desuper Tuba e qua vox procedit SURGITE MORTUI! Mors surgens respondet: OMNES RESURGIMUS!

Altera parte Mors ad Mensam sedens, ex Regestrorum rationes examinans &c. *Inscriptio:* RATIONEM REDDEMUS! Tres ante illam libri positi. In fronte Primi: *Rationes Cordis!* In Secundi: *Rationes Oris!* In Tertij: *Rationes Operis!* Mors proloquitur NON RESPONDEBO UNUM PRO MILLE!

Una

In quarto Angulo.

Una parte Mors manus pedesque ligata sedens, & iudicium expectans. &c. *Inscriptio*: IUDICABIMUR! Ex ore Mortis.. DICAM DEO: NOLI CONDEMNARE!

Altera parte Mors expansis manibus, circa quam abiecta vincula pœnalia &c. *Inscriptio*: LIBERABIMUR! ex ore liberatæ: VI- DEBO DEUM SALVATOREM MEUM.

In Cenotaphij pegmate duo gradus, in quibus funeralem tumbam sustentant sex cranina, seu mortuorum capita: Ad tumbæ caput lamina, quæ *Magnifici Domini Capitanei* præfert genuinum apographum Ad pedem laminæ inaratum Epitaphium ex Inscriptionibus collectum.

Desuper impendet duplex corona Tumbam ambiens, & phialis. in quibus ardens flamma, totam machinam illustrat. Summitatem, seu apicem Coronæ occupat grandior GRYPHUS, qui Genium Domus OTWINO- VIÆ portat; huic subiectum:

NIL TERRENA MOROR, CUM
SUPER ASTRA FEROR!







